

無若仍以明年爲泰昌元年則無以處今上如以明年爲今上紀元則無以存先帝請自今日始卽稱泰昌元年明年春正爲今上紀元旣可以存先帝之元亦所以尊今上之統或於情理爲愜閣臣九卿群是之遂草奏以聞

方從哲

字中涵大興人萬歷進士與葉向高同入相神宗倦勤中外隔絕當時咸倚從哲向

高爲重旣而獨相七年忠勤謹樸熹宗朝定紅丸案治李可灼罪從哲票擬從輕諸臣交章劾之熹宗在東宮時知其忠藎諭諸臣曰服藥出自聖意可灼原不知醫意圖僥倖舊輔方從哲心跡可白宜從寬論予告

歸杜門不出卒諡文端

吳孟明

山陰人以錦衣衛籍居京師天啟中魏忠賢用許顯純掌詔獄孟明適爲之副群小

構陷東林孟明從容語顯純連染太多於鈎黨者則快盍亦自爲他日地乎顯純亦爲聳動後先縱舍幾四十人又佐顯純定爰書坐賊皆無左證豫爲昭雪地群小調知之噤閤逐孟明去